



REPUBLIKA E SHQIPËRISË
KËSHILLI I MINISTRAVE

PROJEKTVENDIM

Nr. _____, datë _____

PËR

**DISA SHTESA DHE NDRYSHIME NË VENDIMIN NR. 666, DATË
10.10.2019, TË KËSHILLIT TË MINISTRAVE “PËR KUOTAT
FINANCIARE TË USHQIMIT NË MENSA E KONVIKTE DHE
PËRCAKTIMIN E KRITEREVE PËR PËRFITIMIN E BURSIVE E TË
PAGESAVE PËR NXËNËSIT E ARSIMIT PARAUNIVERSITAR, SI DHE
FORMAT E TJERA TË PËRKUJDESJES NDAJ KATEGORIVE TË
VEÇANTA NË INSTITUCIONET ARSIMORE PARAUNIVERSITARE
PUBLIKE”, I NDRYSHUAR**

Në mbështetje të nenit 100 të Kushtetutës, të nenit 19, të ligjit nr. 69/2012, “Për sistemin arsimor parauniversitar në Republikën e Shqipërisë”, të ndryshuar, të pikës 2, të nenit 32, të ligjit nr. 15/2017, “Për arsimin dhe formimin profesional në Republikën e Shqipërisë”, të nenit 5, të ligjit nr. 10289, datë 17.6.2010, “Për mënyrën e trajtimit ekonomik e financiar dhe për dhënie ndihme të menjëhershme familjeve të punonjësve të Policisë së Shtetit, të Gardës së Republikës, të Shërbimit të Kontrollit të Brendshëm, të Policisë së Mbrojtjes nga Zjarri dhe të Shpëtimit, të Forcave të Armatosura, të Shërbimit Informativ Shtetëror dhe të Policisë së Burgjeve, që humbin jetën në krye apo për shkak të detyrës”, të nenit 2, të ligjit nr. 7889, datë 14.12.1994, “Për statusin e invalidëve të punës”, të ndryshuar, të nenit 6, të ligjit nr. 8153, datë 31.10.1996, “Për statusin e jetimit”, të ndryshuar, të nenit 8, të ligjit nr. 8098, datë 28.3.1996, “Për statusin e të verbrit”, të ndryshuar, të nenit 8, të ligjit nr. 8626, datë 22.6.2000, “Statusi i invalidit paraplegjik dhe tetraplegjik”, të ndryshuar, të nenit 12, të ligjit nr. 57/2019, “Për asistencën sociale në Republikën e Shqipërisë”, të ndryshuar dhe ligjit nr. 87/2025, “Për buxhetin e vitit 2026”, me propozimin e ministrit të Arsimit dhe të ministrit të Ekonomisë dhe Inovacionit, Këshilli i Ministrave,

V E N D O S I:

1. Në vendimin nr. 666, datë 10.10.2019, të Këshillit të Ministrave, “Për kuotat financiare të ushqimit në mensa e konvikte dhe përcaktimin e kriterëve për përfitimin e bursave e të pagesave për nxënësit e arsimit parauniversitar, si dhe format e tjera të përkujdesjes ndaj kategorive të veçanta në institucionet arsimore parauniversitare publike”, të ndryshuar”, bëhen shtesat dhe ndryshimet, si më poshtë:

a) Në shkronjën “a” të pikës 2.1 togfjalëshi “dhe që akomodohen në konvikte publike”, shfuqizohet.

b) Në pikën 3 pas fjalëve “kategorive të mësipërme” shtohen fjalët “në arsimin e përgjithshëm” .

c) Pas pikës 3 shtohet pika 3/1 me përmbajtje si më poshtë:

“3/1. Nxënësit në arsimin profesional humbasin të drejtën e përfitimit të bursës vetëm në rast përsëritjeje të vitit shkollor.”.

d) Pas pikës 8 shtohet pika 8/1 me përmbajtje si më poshtë:

“8/1. Në rastet kur numri i nxënësve që ndjekin arsimin e përgjithshëm që plotësojnë kriteret për përfitimin e bursës është më i lartë se mundësitë e financimit të miratuara për atë vit shkollor dhe njësia e vetëqeverisjes vendore nuk mund të mbulojë me fondet e veta mbështetjen për të gjithë nxënësit që plotësojnë kriteret, njësia e vetëqeverisjes vendore, me vendim të këshillit bashkiak, përcakton rregullat për shpërndarjen e bursave, sipas kategorive të përcaktuara në pikën 2 të këtij vendimi.”.

e) Pika 12 ndryshon si më poshtë:

“12. Të gjithë nxënësit/prindërit paraqesin kërkesat për përfitimin e burës pranë drejtorive të institucioneve arsimore, të cilat dokumentojnë me procesverbal pranimin e tyre dhe një kopje e procesverbalit i jepet kërkuarit. Drejtoritë e institucioneve arsimore, për nxënësit që regjistrohen për herë në klasën e 10, të cilët përfitojnë bursë sipas kriterëve të përcaktuara në pikat 2.1, 2.2, 2.3 e 2.4, të këtij vendimi, i dërgojnë zyrtarisht kërkesat për miratimin e bursës në njësitë e

vetëqeverisjes vendore të vendbanimit të përhershëm të nxënësit. Për nxënësit e klasave të tjerë që kanë përfiturar më parë bursa depozitojnë dokumentacionin për vijimin e përmbushjes së kriterëve.”.

f) Pas pikës 14/1 shtohet pika 14/2 me përmbajtje si më poshtë:

“14/2. Për nxënësit e klasave të 10-ta, vendimet e këshillave bashkiakë për dhënien e bursave përcillen nga njësia e vetëqeverisjes vendore e vendbanimit tek njësia e vetëqeverisjes vendore ku ndodhet institucioni arsimor që ndjek nxënësi, brenda afatit të përcaktuar në pikën 14.”.

g) Pas pikës 15 shtohet pika 15/1 me përmbajtje si më poshtë:

“15/1. Njësiti e vetëqeverisjes vendore dorëzojnë kërkesat për fondet e bursave brenda muajit shkurt. Për kërkesat e dorëzuara jashtë këtij afati, bursat mbulohen me fondet e njësive të vetëqeverisjes vendore.”.

h) Pas pikës 22 shtohet pika 22/1 me përmbajtje si më poshtë:

“22/1. Njësiti e vetëqeverisjes vendore, me fondet e tyre buxhetore apo transfertës nga buxheti i shtetit, për institucionet arsimore parauniversitare publike në territorin që mbulojnë, mund të ofrojnë shërbimin e ushqimit për nxënësit, në përputhje me standardet dhe rregullat e miratuara nga autoritetet përgjegjëse për ushqimin.”.

i) Pika 23 ndryshon si më poshtë:

“23. Fondet buxhetore për mbulimin e shpenzimeve të bursave administrohen nga njësiti e vetëqeverisjes vendore, sipas vendndodhjes territoriale dhe administrative të shkollave dhe konvikteve ku nxënësit ndjekin mësimet. Pagesa mujore e bursës bëhet sipas përcaktimeve më poshtë:

a) Nxënësit që jetojnë në konvikt përfitojnë bursa në formën e kuotës ushqimore mujore si dhe shpenzime vetjake, sipas pasqyrës nr. 3. Masa e bursës përlllogaritet si prodhim i kuotës ushqimore me dite qëndrimin në konvikt, për jo më shumë se 10 muaj kalendarik, në proporcion me ditë qëndrimin në konvikt.

b) Nxënësit që nuk jetojnë në konvikt dhe që plotësojnë kriteret për bursë, përfitojnë vlerën e plotë të bursës mujore, e cila u paguhet pranë bankave të nivelit të dytë, në llogarinë bankare të

prindit/prindërve ose përfaqësuesit ligjor, për llogari të nxënësit çdo muaj, brenda datës 10 të muajit pasardhës. Masa e bursës për këtë kategori jepet ne pasqyrën nr. 2, për arsimin e parauniversitar dhe 2.1 për arsimin profesional bashkëlidhur dhe pjesë përbërëse e këtij vendimi.

j) Pas pikës 30 shtohet pika 30/1 me përmbajtje si më poshtë:

“30/1. Duke filluar nga viti 2027, kuota mujore e bursës për përfituesit sipas pikës 2.1 të këtij vendimi indeksohet çdo vit sipas indeksit të çmimeve të konsumit të publikuar nga INSTAT. Për përfituesit sipas kritereve 2.2, 2.3 dhe 2.4, masa e bursës indeksohet çdo vit sipas normës vjetore të inflacionit të publikuar nga INSTAT, sipas pasqyrave bashkëlidhur dhe pjesë përbërëse e këtij vendimi.

k) Pika 29 ndryshon si më poshtë:

“29. Ministria përgjegjëse për arsimin profesional jep në total jo më pak se 5 000 (pesë mijë) bursa në vit për nxënësit e arsimit profesional, nga të cilat 2 500 (dy mijë e pesëqind) bursa janë të dedikuara për hyrjet e reja në shkollat profesionale të sistemit arsimor publik.

l) Pika 33 ndryshon si më poshtë:

33. Vendimet e këshillave të njëjësive të vetëqeverisjes vendore, në raste të veçanta, mund të miratohen përtej këtij afati, por jo më vonë se muaji shkurt. Vendimet e këshillave të njëjësive të vetëqeverisjes vendore përtej këtij afati përballohen me fondet e tyre.”.

m) Pasqyrat nr. 1, nr. 2 dhe nr. 3, bashkëlidhur vendimit, zëvendësohen me pasqyrat nr. 1, nr. 2, dhe nr. 3, që i bashkëlidhen këtij vendimi dhe janë pjesë përbërëse të tij.

n) Pas pasqyrës nr. 2, shtohet pasqyra nr. 2/1, bashkëlidhur dhe pjesë përbërëse e këtij vendimi.

2. Ngarkohen Ministria e Arsimit, Ministria e Ekonomisë dhe Inovacionit, Njësitë e Vetëqeverisjes Vendore, institucionet e sistemit arsimor Parauniversitar si dhe ofruesit e arsimit të mesëm profesional publik, për zbatimin e këtij vendimi.

Ky vendim hyn në fuqi pas botimit në Fletoren Zyrtare dhe i shtrin efektet financiare për vitin shkollor 2026-2027.

K R Y E M I N I S T R I

Edi RAMA

PASQYRA NR. 1
KUSHTET EKONOMIKE TË NXËNËSIT PËR DHËNIEN E BURSËS

Nr.	Përbërja familjare	Përfitojnë bursa	Përfitojnë gjysmëbursa	Me pagesë
		<i>Me të ardhura mujore, lek/frymë</i>	<i>Me të ardhura mujore, lek/frymë</i>	<i>Me të ardhura mujore, lek/frymë</i>
1	Për familjet me 2 persona	deri 5000	5000–5500	mbi 5500
2	Për familjet me 3 persona	deri 4700	4700–5300	mbi 5300
3	Për familjet me 4 persona	deri 4600	4600–5100	mbi 5100
4	Për familjet me 5 persona	deri 4500	4500–5000	mbi 5000
5	Për familjet me 6 persona	deri 4300	4300–4800	mbi 4800
6	Për familjet me 7 persona	deri 4000	4000–4700	mbi 4700
7	Për familjet me 8 persona	deri 3700	3700–4500	mbi 4500

PASQYRA NR. 2
MASA E BURSËS PËR NXËNËSIT (NË LEK) NË ARSIMIN E PËRGJTIHSHËM QË NUK JETOJNE NE KONVIKT (NË LEK)

Nr .	Kategorite e shkollave	Masa mujore e Bursës për nxënësit qe plotësojnë kriterin 2.1, 2.2, 2.3 dhe 2.4	
1	Shkollat 9-vjeçare dhe të mesme		
		a) Bursa	7,500
	b) Gjysmëbursa	3,750	
2	Shkolla e Mjeshtërisë Sportive e Arsimit Special		
		a) Bursa	9,100
		b) Gjysmëbursa	4,550
		c) Me pagesë	-
3	Për nxënësit jetimë	9,000	

PASQYRA NR. 3
KUOTAT FINANCIARE SIPAS NORMAVE NË NATYRË PËR USHQIMIN E NXËNËSVE NE KONVIKT
DHE SHPENZIMET VETJAKE

Nr.	Emërtimi	Njësia matëse	Norma ditore	Vlera energjetike (në kcal)	Çmimi mesatar në lek/kg	Vlera ditore në lek
1	Bukë	gramë	350-400	977	137.9	55.2
2	Makarona	gramë	30	107	207.9	6.37
3	Oriz	gramë	30	109	196.4	5.892
4	Sheqer	gramë	40	157	109.9	4.24
5	Fasule	gramë	30	93	314.5	9.435
6	Perime	gramë	130	27	233	30.29
7	Fruta	gramë	100	42	175	17.5
8	Vaj	gramë	30	270	204	6.12
9	Gjalpë	gramë	20	152	1143.8	23
10	Mish	gramë	70-80	115	1195	95.6
11	Djathë	gramë	25	40	1150	28.75
12	Reçel	gramë	20	93	258	7.2
13	Vezë	kokërr	1	42	25.8	26.3
14	Qumësht	gramë	200	98	160.3	32.06
15	Patate	gramë	200	170	91.8	18.36
16	Nënprodukte mishi	gramë	30	100	1228	36.8
	Kuota ditore ushqimore			2712		403
	Shpenzime vetjake (higjene personale, mjete mesimore)	Lek/muaj				650 lek/muaj

PASQYRA NR. 2 /1
MASA E BURSËS PËR NXËNËSIT NË ARSIMIN E MESËM PROFESIONAL (NË LEK)

Nr.	Kategoritë e bursave sipas shkollave	Masa mujore e Burses per nxnensit qe plotesojne kriterin 2.2;2.3dhe 2.4	Masa mujore e Burses per nxnensit qe plotesojne kriterin ekonomik (lute ushqimore	Shpenzime vetjake (higjienë personale, mjete mësimore)	Totali i financimit nga shteti për masën mujore të bursës për nxënësit që plotësojnë kriterin ekonomik (kuote ushqimore)
1	Shkollat e mesme profesionale				
	a) Bursa	12.800	12100	700	12800
	b) Gjysmëbursa	6400			6400
	c) Me pagesë	0	12100	700	0